

UJIAN PERCUBAAN UPSR

TAHUN 2013

BAHASA MALAYSIA TAHUN 6

UJIAN PEMAHAMAN

六年级 国语理解

Lima puluh minit

1. *Kertas soalan ini mengandungi 40 soalan. Jawab semua soalan*
2. *Jawab dengan menghitamkan ruangan pada kertas jawapan.*
3. *Tiap-tiap soalan diikuti oleh empat pilihan jawapan A, B, C dan D. Antaranya, ada satu sahaja jawapan yang paling sesuai. Pilih jawapan itu. Kemudian, tandakan jawapan kamu dengan menghitamkan ruangan pada kertas jawapan.*
4. *Jika kamu hendak menukar jawapan, padamkan jawapan yang telah dibuat. Kemudian Hitamkan jawapan yang baru.*

NAMA :

KELAS :

Soalan 1 - 18

Isi tempat kosong dengan jawapan yang paling sesuai.


- 1 "Bolehkah saya tolong _____ mengangkat barang-barang ini?" tanya pengawal keselamatan kepada gadis itu.
 A kami
 C puan
 B saudara
 D saudari

Soalan 2 berdasarkan gambar di bawah.



- 2 A Kalian
 B Kami
 C Anda
 D Saya

Soalan 3 berdasarkan gambar di bawah.




- 3 Pak Ali sedang _____ jalanya yang telah koyak dengan berhati-hati.
 A menyulam
 B menenun
 C menyirat
 D menekat

Soalan 4 berdasarkan gambar di bawah.



- 4 Sudah seminggu Bong Hee _____ di hospital kerana terlibat dalam kemalangan jalan raya.
 A terdampar
 B terlantar
 C terbujur
 D terbiar
- 5 Sarah berasa sangat _____ kerana rakannya sering curi tulang semasa bertugas.
 A gusar
 B gerun
 C geram
 D gentar
- 6 Keadaan di dalam bas itu sungguh _____ dengan penumpang yang mahu pulang ke rumah masing-masing.
 A sesak
 B sunyi
 C susah
 D sempit
- 7 Semenjak Jason Lim berpindah ke sekolah baharu, hubungan kami menjadi semakin _____.
 A renggang
 B hampir
 C nyaris
 D kerap


Soalan 8 berdasarkan gambar di bawah.



- 8 Kelvin dan Kok Hang membaca notis yang telah ditampal _____ papan kenyataan kelas dengan teliti.
 A di
 B pada
 C kepada
 D daripada

- 9 Setelah lama berbual-bual di rumahnya, saya pun minta diri kerana _____ pulang.
 A hendak
 B pernah
 C sudah
 D telah

Soalan 10 berdasarkan gambar di bawah.



- 10 Tendangan itu telah dilakukan oleh ketua pasukan bola sepak sekolah saya dari _____ padang.
 A atas
 B dalam
 C tengah
 D penjuru

Soalan 11 berdasarkan gambar di bawah.



- 11 Doktor Lim telah memberikan _____ vaksin kepada pesakit itu untuk menyembuhkan penyakitnya.
 A tikaman
 B suntikan
 C jentikan
 D cubitan
- 12 Puan Munirah telah _____ pintu pagar rumahnya kerana beliau mahu pulang ke kampung.
 A dikunci
 B terkunci
 C berkunci
 D mengunci

- 13 Sultan Pahang telah berkenan untuk _____ pingat kebesaran kepada rakyat baginda yang telah banyak berjasa kepada pentadbiran negeri.
 A menganugerahkan
 B menghadiahkan
 C menyampaikan
 D memberikan

Soalan 14 berdasarkan gambar di bawah.



- 14 Peragut itu cuba untuk meragut _____ Siti ketika dia berjalan ke perhentian bas.
 A beg baju
 B beg galas
 C beg tangan
 D beg sekolah
- 15 Jurulatih menggunakan _____ untuk mengambil catatan masa pelari itu.
 A jam randik
 B jam loceng
 C jam tangan
 D jam dinding
- 16 Bunyi _____ yang kuat dan nyaring itu membuatkan adik saya terjaga dan terus menangis.
 A jejentik
 B riang
 C lelabah
 D lelabi
- 17 Penduduk Kampung Limau Manis bergotong-royong membersihkan _____ di hujung kampung.
 A batu bata
 B semak samun
 C rumput rampai
 D sisa-sisa
- 18 Pemburu itu memikul se _____ senapang semasa masuk ke dalam hutan tersebut.
 A batang
 B pucuk
 C laras
 D bilah

- 19 Ukiran kayu yang unik itu dilelong kepada penggemar barangan antik.
Perkataan seerti bagi unik ialah
A istimewa
B baharu
C cantik
D indah
- 20 Walaupun Zaki menerima pelbagai ancaman, namun dia tetap tenang.
Pilih perkataan berlawan bagi tenang.
A duka
B senang
C bahagia
D gelisah

Soalan 21 - 22

Pilih ayat-ayat yang menggunakan perkataan bergaris dengan betul.

- 21 I Kursus itu padat dengan aktiviti ceramah.
II Dia memasukkan gula ke dalam balang itu hingga padat.
III Rasa kopi yang diminum oleh datuk itu sungguh padat.
IV Rambut Aminah sungguh padat dan hitam berkilat.
A I dan II
B II dan III
C III dan IV
D I dan IV
- 22 I Air pasang telah berlaku selama beberapa jam di pantai itu.
II Dua pasang daripada durian yang dibeli oleh ayah tidak boleh dimakan.
III Emak membeli beberapa pasang baju kemeja di pasar malam.
IV Lampu yang baharu dibeli tadi telah saya pasang di ruang tamu.
A I dan II
B II dan III
C III dan IV
D I dan IV
- 23 Pilih jawapan yang paling sesuai bagi ayat tanya di bawah.
Bagaimanakah keadaan nenek kamu di hospital sekarang ?
A Nenek saya telah berada di dalam hospital selama tiga hari.
B Petang nanti saya akan melawat nenek saya di hospital.
C Ya, nenek saya masih berada di hospital sekarang.
D Nenek saya sudah beransur sihat sekarang.
- 24 Pilih ayat tanya yang paling sesuai bagi ayat di bawah.
Emak saya suka menjahit pada waktu lapang.
A Bagaimanakah emak kamu menjahit ?
B Apakah hobi emak kamu pada masa lapang ?
C Mengapakah emak suka menjahit pada waktu lapang ?
D Adakah emak kamu suka menjahit pada masa lapang ?

Soalan 25 - 26

Pilih ayat yang sama maksud dengan ayat di bawah.

- 25 " Wah, cekapnya Tok Awang memanjat pokok kelapa itu, " kata Fauzi dan Irwan.
A Fauzi memberitahu Irwan bahawa Tok Awang cekap memanjat pokok kelapa itu.
B Tok Awang memuji Fauzi dan Irwan kerana cekap memanjat pokok kelapa itu.
C Fauzi dan Irwan kagum akan kecekapan Tok Awang memanjat pokok kelapa itu.
D Tok Awang kagum dengan kemahiran Fauzi dan Irwan memanjat pokok kelapa itu dengan cekap.
- 26 Lukisan yang tergantung pada dinding rumah Encik Yu Hang telah dilukis oleh bapanya.
A Dinding rumah Encik Yu Hang telah dilukis oleh bapanya.
B Bapa Encik Yu Hang telah melukis lukisan yang tergantung pada dinding rumahnya.
C Lukisan bapanya telah dilukis oleh Encik Yu Hang dan digantung pada dinding rumah.
D Encik Yu Hang telah menggantung lukisan yang dilukis oleh bapanya pada dinding rumah.

Soalan 27 - 28

Pilih ayat yang betul.

- 27 I Oh, ambillah gambar ini sebagai kenangan !
II Cis, berserinya wajah pengantin itu !
III Aduh, bisanya sengatan lebah ini !
IV Aduhai, malangnya nasib aku ini !
A I dan II
B II dan III
C III dan IV
D I dan IV
- 28 A Wang tunai yang saya terima ada pada ayah.
B Rebecca berasal daripada Pahang Darul Makmur.
C Petani itu bekerja keras dengan kebahagiaan keluarganya.
D Mohan baru menerima sepucuk surat dari sahabat penanya.

Soalan 29 - 30

Isi tempat kosong dengan peribahasa yang sesuai.

- 29 Berita kecurian itu telah menjadi _____ orang ramai di kampung itu.
A buah mulut
B berat mulut
C mulut murai
D mulut tempayan
- 30 Encik Ali dan Puan Fatimah menjaga anak angkat mereka _____.
A seperti ular kena palu
B seperti bumi dengan langit
C seperti anjing dengan kucing
D seperti menatang minyak yang penuh

Soalan 31 – 35

Baca biografi di bawah, kemudian jawab soalan-soalan yang berikutnya.

Lim Swee Tin ialah sasterawan bukan Melayu yang ternama di negara kita. Beliau dilahirkan di Bachok, Kelantan pada 26 September 1952 dan membesar dalam kalangan masyarakat Melayu.

Dalam bidang penulisan, Lim Swee Tin cenderung menulis puisi. Puisi-puisinya turut diterjemahkan ke dalam bahasa Inggeris, Cina dan Thai. Beliau juga menghasilkan cerpen, novel dan tulisan tentang kesusasteraan. Karya awalnya terbit pada tahun 1973. Antara karya yang telah diterbitkan termasuklah 'Eva', 'Akab', 'Menyusur Musim', 'Seorang Anak Kecil dan Sajak-sajak lain', 'Masih', 'Sebuah Fragmen Cinta', dan 'Nyanyian Sepi'.

Pada tahun 1990, beliau mewakili negara dalam acara Pengucapan Puisi Dunia Kuala Lumpur. Pada tahun yang sama, Dewan Bahasa dan Pustaka memilih beliau untuk program Penataran Karya Sastera selama hampir sebulan di Jakarta, Indonesia.

Lim Swee Tin sering muncul di kaca televisyen untuk mendeklamasikan puisi. Beliau pernah diundang mendeklamasikan sajak di luar negara. Beliau juga turut giat memberikan ceramah tentang penulisan kreatif. Beliau kini Pensyarah Kesusasteraan Melayu di Fakulti Bahasa Moden dan Komunikasi, Universiti Putra Malaysia (UPM).

Lim Swee Tin telah memenangi Hadiah Sastera Malaysia sebanyak tiga kali. Selain itu, beliau pernah menerima hadiah penghargaan Anugerah Puisi Putra 2 melalui antologi 'Akab'. Hadiah lain yang dimenangkannya ialah hadiah tempat kedua Peraduan Menulis Cerpen dan Puisi 100 Tahun Kuala Lumpur, Hadiah Sastera Utusan Melayu – Public Bank, Hadiah Cerpen DBP – Maybank, dan banyak lagi. Beliau juga merupakan penerima *SEA Write Award* 2000, iaitu penghargaan tertinggi bidang kesusasteraan di Asia Tenggara oleh Kerajaan Diraja Thailand.

- 31 Bilakah Lim Swee Tin dipilih ke program Penataran Karya Sastera di Indonesia ?
 A 1990
 B 1973
 C 1952
 D 2000
- 32 Lim Swee pernah mewakili Malaysia dalam acara _____.
 A mendeklamasikan puisi
 B peraduan mengarang cerpen
 C ceramah tentang penulisan kreatif
 D Pengucapan Puisi Dunia Kuala Lumpur
- 33 Siapakah yang menganugerahkan hadiah *SEA Write Award* 2000 kepada Lim Swee Tin ?
 A Dewan Bahasa dan Pustaka
 B Kerajaan Diraja Thailand
 C Universiti Putra Malaysia
 D Utusan Melayu – Public Bank

- 34 Apakah pekerjaan Lim Swee Tin sekarang ?
 A Penerbit
 B Pensyarah
 C Sasterawan
 D Penceramah
- 35 Berikut adalah bahasa yang pernah diterjemahkan dalam puisi beliau **kecuali** _____.
 A Thai
 B Cina
 C Tamil
 D Inggeris

Soalan 36 - 40

Baca cerita di bawah, kemudian jawab soalan-soalan yang berikutnya

Semasa pulang dari laut, Sura ternampak budak-budak membaling batu ke arah seekor penyu.

"Hentikan! Biarkan penyu itu kembali ke laut," teriak Sura.

Keesokannya, semasa Sura tekun menangkap ikan di laut, Sura terdengar satu suara memanggilnya. Rupa-rupanya, itu suara penyu yang diselamatkannya semalam. Menurut penyu itu, Ratu Penyu mahu berjumpa dengan Sura. Penyu itu pun membawa Sura ke dasar laut.

"Terima kasih manusia budiman. Sebagai balasan, beta menjemput kamu tinggal di sini. Kamu akan dilayan seperti raja," kata Ratu Penyu kepada Sura. Sura bersetuju untuk tinggal di situ.

Setelah puluhan tahun Sura tinggal di laut dengan riang, Sura mahu pulang. "Baiklah, Sura. Beta hadiahkan kotak ini. Tetapi, jangan sekati-kali kamu membukanya, kelak kamu akan mendapat susah," pesan Ratu Penyu.

Setibanya Sura di kampung, tiada seorang pun orang kampung mengenalinya. Sura berasa susah hati. Tiba-tiba dia teringat akan kotak yang diberikan oleh Ratu Penyu.

"Mungkin kotak ini dapat membantuku. Tapi, bagaimanakah dengan amanat Ratu Penyu?" fikir Sura sendirian.

Sura tetap mahu membuka kotak itu. Sebaik-baik sahaja kotak itu terbuka, keluar kepulan asap. Selepas itu, mukanya berkedut-kedut dan rambutnya pula menjadi putih. Barulah dia tahu bahawa kotak itu berkusasa menjadikannya sentiasa muda. Sura menyesal kerana *melanggar amanat* Ratu Penyu. Sudahlah dia menjadi tua, orang kampung tetap tidak mengenalinya.

- 36 Sura merupakan seorang _____.
A ketua kampung
B penyelam
C nelayan
D petani
- 37 Mengapakah Ratu Penyu menjemput Sura ke dasar laut ?
A Untuk mengundangnya tinggal di dasar laut.
B Untuk menghadiahkan sebuah kotak kepadanya.
C Untuk mengucapkan terima kasih kepada semua penyu.
D Untuk menjadi Raja Penyu yang memerintah di dasar laut.
- 38 Apakah yang berlaku setelah Sura melanggar amanat Ratu Penyu ?
A Sura kembali tinggal bersama penduduk kampung.
B Orang kampung tidak mengenali Sura.
C Sura telah bertukar menjadi orang tua.
D Sura memiliki kuasa dan muda.
- 39 Pilih pernyataan yang **tidak benar** tentang petikan.
A Sura dilayan seperti raja kerana Ratu Penyu membalas jasanya membantu seekor penyu.
B Sura ternampak budak-budak membaling batu ke arah penyu semasa hendak ke laut.
C Sura berasa amat menyesal kerana membuka kotak yang diberi oleh Ratu Penyu.
D Sura tinggal di dasar laut dengan gembira selama berpuluh-puluh tahun.
- 40 Rangkai kata *melanggar amanat* dalam petikan **bermaksud** _____.
A mematuhi arahan
B mendengar kata
C melawan ajaran
D ingkar pesanan

KERTAS SOALAN TAMAT